



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Fratri Rainerio, apostolicae sedis Legato.

urn:nbn:de:hbz:466:1-20006

re. Eapropter &c. usque ad verbum assen-
su, auctoritate vobis apostolica indulge-
mus quod si Episcopi, in quorum dioecesi
Ecclesiæ parochiales habetis, in fata con-
cesserint, & Ecclesiæ vestras interim va-
care contigerit, Capellani in ipsis insti-
tuendi, ne ordinationes Ecclesiæ inu-
tiliter differantur, ad præsentationem
vestram ab eo qui sede vacante vices E-
piscopi deberet de jure supplere, sine con-
tradictione qualibet admittantur, qui vo-
bis de temporalibus, Episcopis vel eorum
officialibus de spiritualibus debeant re-
pondere. Adiicimus etiam, quod sicut
rationabiliter consilio & providentia Capi-
tuli vestri Ecclesiæ de Windesores ad
cellarium & Ecclesiæ de Alricheseia &
Ecclesiæ de Herford & Ecclesiæ de
Nesinges ad vestimenta fratrum vestro-
rum invenienda, Ecclesiæ vero de Epin-
ges & de Wdeford & de Neclesuuelle
& de Luchenton ad usus sacræ vestræ
de assensu dioecesani Episcopi assignastis,
ita vobis vestrisque successoribus in per-
petuum permaneant ad hos usus. Et ne
impostorum hæc assignatio vestra possit
vel debeat in aliquo mutilari, ipsam
auctoritate apostolica confirmamus &
præf. &c. Decernimus ergo &c. conce-
ssionis & confirmationis &c. Datum La-
terani VI. Idus Iulij.

F R A T R I R A I N E R I O,
apostolica sedis Legato.

Epiſt. 122.
Creat ipsum
Legatum apo-
stolice sedis in
nonnullis pro-
vinciis Galli-
canis.
De fratre Rai-
nerio vide lib. i.
epiſt. 92. 93. 115.
249. 395. 449.

LIcet solitæ solitudinis locum af-
fectes, fugans vel fugiens potius
tumultus secularium potestatum, ut Ra-
chelis fovearis amplexu, & in lege di-
vina jugiter mediteris, sedens fecus pe-
des Domini cum Maria, cum tamen in
lege mandatorum ipsius legeris quod
obedientia præferenda sit victimis, &
proximum diligere debeas ut te ipsum,
nec potes nec debes sic vivere soli tibi
ut vel recedas ab obedientia præsidentis
vel proximorum salutem negligere vi-
dearis, sed à contemplatione Mariæ ad
actionem Martha teneris saltē ex obe-
dientiæ virtute descendere, ut in Lia
Rachelis sterilitatem tua prædicatione
fœcundes, dum quod in solitudinis &
claustri silentio didicisti, juxta man-
datum evangelicum prædicaveris super
tecta, & talenta tibi credita erogaveris
ad usuras. Nos autem, qui, licet immeriti,
vices ejus tenemus in terris qui disci-
pulis suis officium prædicationis injun-

xit, Ite, inquiens, in orbem universum, pre-
dictate Evangelium omni creature, plenè de
tua conscientia & religione confisi, ple-
næ tibi legationis officium per Ebren-
denensem, Aquensem, Arelatensem, &
Narbonensem provincias duximus com-
mittendum, corrigendi & statuendi tam
in monasteriis quam alis Ecclesiis que
correctione vel institutione cognoveris
indigere, audiendi & decidendi vel etiam
committendi cauſas, & absolvendi eos
qui ob violentam manuum injectionem
in Clericos vinculo sunt excommunicationis
aſtričti, si ex injectione tali vel
enormis læſio vel homicidium non fue-
rit subsecutum, confutandi hæreticos,
& cogendi eos redire ad catholice fidei
unitatem, & plenæ legationis officium
super his & aliis exequendi, & percellen-
di pœna canonica contumaces, indul-
gentes tibi auctoritate apostolica libe-
ram facultatem. Nulli ergo &c. conces-
sionis &c. Datum Laterani IV. Idus Iulij.

ARELATEN. ARCHIEPISCOPO
& Suffraganeus ejus.

IS cujus omnes viæ misericordia sunt
& veritas testante Psalmista, cuius
omnia verba doctrinam sapiunt saluta-
rem, cuius opus exemplum nobis vita
sanctoris ostendit, licet solo verbo vir-
tutis sua possit & poterit universa, ut-
pote qui dixit & facta sunt, mandavit
& creata sunt, operarios tamen in vi-
neam suam & messem induxit, & præter
sacrum duodenarium discipulorum nu-
merum, quibus potestatem ligandi con-
tulit & solvendi, alias septuaginta duos
elegit, & binos illos ad prædicandum
direxit, indulta eis calcandi super scor-
piones & regulos potestate, nobis
relinquens exemplum ut vestigia ejus,
quantum fragilas humana permittit,
in debitæ humilitatis devotione sequa-
mur. Hoc sanè apostolica sedes, quæ
cunctarum Ecclesiæ à Domino in bea-
to Petro magisterium obtinuit & prima-
tum, assidua meditatione revolvens, mul-
tos in partem creditæ solitudinis evo-
cavit, ut in diversis mundi partibus per
eorum præsentiam ipsius absentia sup-
pleretur, & defectum unius multorum
relevaret affectus, quorum solicitude
diligens & solicita diligentia expe-
ditius in singulis provinciis & eradicare
noxia, & profutura plantaret. Nos
etiam, qui, licet immeriti, vicem Christi

Epiſt. 115.
Vi Rainetur
feldis apoth. Lo-
gatum rever-
ter & benignè
tractat.